



IÑAKI AZKUNA

(G.B)

Bere bizitzaren barri trinkoa.

Medikuntza ta kirurgia ikasi ebazan Salamankako Ikastetxe Nagusian, lizentziatura 1966n.urtean lortuz. Bost urte geroago doktoretza amaitu eban.

1973 urtetik aurrera, medikuntza fisiko ta erradiologiako irakasle izan zan Euskal Erriko Unibertsitatean. Urte berean, Gurutzetako Ospitaleko osagille biurtu zan.

1981 ean Gurutzetako Ospitaleko lendakari izendatu eben. Eta bost urte beranduago, 1986n.urtean, Gurutzeta ospitaleko erradiologiako zerbitsuen buru.

1999tik Bilboko Alkatea da. Bere agintaldian, Bilboren barriztea indar geienagazegin dan urteakaz bat egin dau.

2003go martxoan aurre-gurintxueta (prostatako) minbizia eukala aitortu eban.

2012ko irailaren 14an, Azkunaren emaztea il zan.

Pariseko Unibertsitatean, ikasten egoala, ezagutu eban Filogia ikasten ebillen gazte bat, Anabella Dominguez eritxon mexikarra. Geroxeago emaztetzat artu ta seme bat izan eban.

2013ko urtarrilean, Munduko Alkate saria emon eutson City Mayors Fundazioak Bilbo eraldatzeagaitik.

2014ko otsailaren 22an, jatetxe baten otordua egiten egoala kordea galdu eban, eta ospitalera eroan eben.

2014ko martxoaren 20an minbiziak il eban.

Lau galdera Azkuna Jaunari.

Asieran, Unamunoren esana gogoratzen dautso galdetzallari: Mundu osoa, besterik ez, Bilbo baño andiago dala.

1- Munduko Alkaterik onena zarala esatea zer deritxazu ?

Iñaki Azkuna.– Lenengotan barregarri lez artu neban. Baña egia zala ikusi nebanean, arrotu nintzan. Alan da be olango saria bilbotar guztiena dala esan bear dot. Bai eta gauza andia da lau kontinenteetan Bilboren alde berba egitea.

2- Gizon irekia ei zara.

I. A.– Bost urte daroadaz aletin orretan. Benetan esan neike udaletxea, txukun, apain ta edergarri dagola. Garrantzi andiko gauzea da au.

3- Min biziaren gaitza dala ta, zer esango zeunkie gaxotasun orregaz jota dagozenai?

I. A.– Gogor egin bear dala. Bizitza luzetu daikela ustea euki, txarrera egigo ote dauen jakin ezarren. Bilbon daukagun osasun bidea, naiko ona da.

4-Zer da obea: izatea ala gura izatea ?

I. A.– Izatea, gatxa da, baña bearrezkoa. Gura izatea, gogoaren arloa da. Gauza ona da, baña ez da beti lortzen. Gogo ta bultzada barik ezer ez da burutzen. Nire ustez, iñor ez dago griña, irritsa, zaletasun, maitasun, gorroto barik. Guzti orreikaz nortasuna eratzen da. Baikorrak, gauz onak egiten ditu; ezekorrak, ez dau ezerbe egiten.

Munetxek.

Bil. 2014.03.25

